



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2023 оны 10 сарын 27 өдөр

Дугаар А/703

Бсөнбулаг

Шинэ жилийн баярын өдрүүдэд
болзошгүй эрсдэлээс урьдчилан сэргийлэх
арга хэмжээг зохион байгуулах тухай

Монгол Улсын Засаг захиргаа, нутаг дэвсгэрийн нэгж түүний удирдлагын тухай хуулийн 66 дугаар зүйлийн 66.1 дэх хэсэг, Гамшгаас хамгаалах тухай хуулийн 32 дугаар зүйлийн 32.1.1 дэх заалтыг тус тус үндэслэн ЗАХИРАМЖЛАХ нь:

1. Шинэ жилийн баяр, амралтын үеэр цахилгаан, дулаан, усан хангамж, сумдын болон онцгой объектуудын хэвийн үйл ажиллагаанд хяналт тавьж ажиллах аймгийн хариуцлагатай жижүүрийн хуваарийг нэгдүгээр хавсралтаар, жижүүрийн ажиллах журмыг хоёрдугаар хавсралтаар тус тус баталсугай.

2. Аймаг, сумдын удирдлага, ард иргэдэд цаг агаарын аюултай болон гамшигт үзэгдлээс урьдчилан сэргийлэх сэрэмжлүүлэг, мэдээллийг тогтмол хүргэж, болзошгүй гамшгийн үед гамшгаас хамгаалах алба, мэргэжлийн анги, сумдын удирдлагыг мэргэжлийн удирдлагаар хангаж ажиллахыг Онцгой байдлын газар (дэд хурандаа Ц.Лувсанжамц)-т даалгасугай.

3. Шинэ жилийн баяр, амралтын өдрүүдэд гэмт хэргээс урьдчилан сэргийлэх, нийгмийн хэв журам сахиулах нэгдсэн болон тусгай арга хэмжээг зохион байгуулж ажиллахыг Цагдаагийн газар (хурандаа Н.Мэндбаяр)-т үүрэг болгосугай.

4. Аж ахуйн нэгж, байгууллагын хэмжээнд аюулгүй байдал, хэвийн үйл ажиллагааг хангахад хяналт тавих эргүүл, жижүүрийг томилон ажиллуулж, Онцгой байдлын газрын 77480101 дугаарын утсанд цаг үеийн холбогдолтой мэдээ, мэдээллийг өдөр бүрийн 10.00, 20.00 цагуудад, яаралтай мэдээ, мэдээллийг тухай бүр нь өгч ажиллахыг гамшгаас хамгаалах алба, мэргэжлийн анги, сумдын удирдлага, байгууллага, аж ахуйн нэгжийн дарга нарт үүрэг болгосугай.

5. Захирамжийн хэрэгжилтэд хяналт тавьж, хэрэгжилтийг нэгтгэн 2024 оны 01 дүгээр сарын 02-ны өдрийн 12.00 цагийн дотор танилцуулахыг Онцгой байдлын газар (дэд хурандаа Ц.Лувсанжамц)-т даалгасугай.

ЗАСАГ ДАРГА



О.АМГАЛАНБААТАР

Аймгийн Засаг даргын 2023 оны
12 дугаар сарын 27-ны өдрийн 4903 дугаар
захирамжийн хоёрдугаар хавсралт

АЙМГИЙН ХАРИУЦЛАГАТАЙ ЖИЖҮҮРИЙН
АЖИЛЛАХ ЖУРАМ

1.Аймгийн хариуцлагатай жижүүр нь Онцгой байдлын газар дээр төвлөрч 24 цагаар үүрэг гүйцэтгэнэ.

2.Хариуцлагатай жижүүрүүд үүрэг гүйцэтгэсэн хугацаандаа дэлгэрэнгүй тэмдэглэл хөтөлж дараагийн жижүүрт дараагийн өдрийн 09.00 цагт жижүүрийн үүргээ албан ёсоор хүлээлгэн өгнө.

3.Улсын онц чухал объектод өдөрт 2-оос доошгүй удаа хяналт тавьж, үйлчилгээний байгууллагууд, бусад шаардлагатай аж ахуйн нэгж, байгууллагын үйл ажиллагаанд тогтмол хяналт тавьж тухайн байгууллагын дарга нартай байнгын холбоотой ажиллана. Шаардлагатай бол шуурхай зөвлөгөөн хийж болно.

4.Үүрэг гүйцэтгэх хугацаанд гэмт хэргийн шинж чанартай асуудал илэрвэл цагдаагийн байгууллагад шуурхай мэдэгдэж зохих арга хэмжээ авна.

5.Улсын онцгой комиссын Шуурхай штабт цагийн байдлаар мэдээлэл өгч ажиллана.

6.Аймгийн Засаг дарга, орлогч, Онцгой байдлын газрын даргад тогтмол мэдээлэл өгч, үүрэг чиглэл авч ажиллана.

7.Аймгийн төвийн байгууллага, аж ахуйн нэгжийн хариуцлагатай эргүүл жижүүрийг ерөнхий удирдлагаар хангаж, үүрэг чиглэл өгч, хэрхэн ажиллаж байгаад хяналт тавина.

8.Ажлын шаардлагаар холбогдох байгууллагын даргад мэдэгдэн мэргэжлийн хүн, хүчийг дайчлан ажиллуулж болно.

9.Ажиллах хугацааны унаа, шатахууны зардлыг тухайн байгууллага өөрөө хариуцна.

10.Иргэдээс гаргасан санал, хүсэлт, гомдлыг Онцгой байдлын газрын 7048105 дугаарын утсаар тухай бүр нь мэдэгдэнэ, ирсэн мэдээлэл, дуудлагын мөрөөр шаардлагатай арга хэмжээг шуурхай зохион байгуулж ажиллана.

11.Байгууллага, аж ахуйн нэгжүүд хариуцлагатай жижүүрийн шаардсан мэдээг цаг хугацаанд нь гаргаж өгөх үүрэгтэй.

__оОо__